

禹州志卷之十三

災祥志

和氣致祥乖氣致異其本在地其應在天苟曰休咎有數無煩修省則宋公何以退熒惑子產何以彌鄭災感召之故可不慎諸志災祥

災祥

周

莊王四年鄭伯突居櫟鄭有蛇鬪

安王五年

即韓哀侯之三年

聶政刺韓相白虹貫日

禹州志

災祥

卷之十三

一

顯王三十六年韓大旱

見通鑑

漢

武帝五年潁川大水

宣帝神雀元年發潁川材官詣金城

宣帝三年黃霸為潁川太守鳳凰見於潁川詔賜民

爵帛

成帝陽朔三年潁川鐵官徒申屠聖等百八十人殺

長吏盜庫兵自稱將軍歷九郡遣丞相長史御史中

丞逐捕勦殺之

章帝建初八年秦彭爲潁川太守有鳳凰麒麟甘露
嘉禾之瑞

更始元年冬赤眉攻陽翟拔之

安帝延光三年潁川木連理麒麟白鹿及白虎二見
陽翟

元初二年潁川臨水化爲血三月大風拔木

晉

惠帝永寧元年夏六月成都王穎奏乞運河北邸閣
米以賑陽翟饑民

禹州志

災祥

卷之十三

二

北魏

高祖泰和三年四月陽翟實霜

世宗正始二年九月陽翟木連理

三年七月陽翟木連理

孝靜帝天平四年滎陽山張儉等聚衆反於大騷山

肅宗熙平元年七月陽翟實霜

唐

憲宗元和八年大騷山摧

宋

神宗熙寧七年陽翟大旱自去秋七月不雨至夏四

月

金

天興元年正月丁酉大雨雪兩省軍潰於三峯山下

五月大寒如冬 九月辛丑夜大雪

元

順帝至正二十二年八月鈞州陽翟縣隕霜殺菽

明

永樂二年騶虞見於州神垕山周王表進於朝

禹州志

災祥

卷之十三

三

正統四年三月天寧寺佛棹冰結隱然成花

十有三朵皆

有幹承之大者如盎小者如盂紋理若松葉輕綴雪米纖細精密巧妙不可名狀郡人邊寧撰碑

成化甲辰大饑人相食

弘治七年升粟十錢

正德五年大劉山崩

馬端肅公卒之前二日大劉山忽崩鴛鳥數十鳴于上盡日而

去天鼓再鳴群鶴盤飛庭事上久之乃翔里民有王自成自葉縣商回遇端肅公于途騶從如雲若

出師狀自北而南王拜伏道旁旋家公卒已二日矣

正德七年大饑民食蕎花荆子人相食

嘉靖元年壬午地震有聲雞犬皆鳴是歲流賊王堂

率衆千餘至紅暢鎮官軍勦殺火焚旬日死傷甚衆
戊子大饑民食樹皮草子人相食餓殍盈野
乙丑蝗蝻遍四境厚尺許官令民捕之斗給斗粟禾
不盡傷民賴以安

戊戌七月十五日大雷雨水驟起數丈没民田禾蕩
民廬舍人畜多爲溺死

乙亥冬大饑人相食

庚子 夏大疫

辛丑夏雨雹如鵝卵間有一二如缶瓮者是秋飛蝗

禹州志

災祥

卷之十三

四

蔽天

辛亥四月初十日雨雹大者如舂杵損傷禾稼打死

飛禽紫金里尤甚

甲寅春正月不雨至夏五月十五日雨大疫

乙卯八月徽府有鐘日午無故自鳴一日晡時王登
樓忽見群羊無數徧滿假山令人視之無所見每早
起視之如故占者知爲凶兆次年果以罪廢

乙卯十二月十二日夜半地大震如雷櫪馬皆驚

戊午五月二十七日琅城岡雷震死人

机兵劉東漢
同安姓者携

娼姬迎寒以官事逃罪是夜至琅城岡雷雨大至
電光閃爍漢驚仆地但見四圍如城俱有旗幟空
中神曰閉目閉目霹靂繞身將娼姬安
姓同擊死入地三尺漢病數月始愈

萬曆元年磨窩山群虎大肆搏噬勇士馬恕率衆擊
之殺四虎虎患乃息

二年天雨蟲蛾形如麥大白色四翅晝飛如雪
城中尤甚拂面眯目人不可行

十年六月潁水泛漲漂北閔民舍殆盡

十四年二月大風晝晦人不相見

十五年五月不雨至七月

十六年春大饑人相食夏大疫死者甚衆

禹州志

災祥

卷之十三

五

二十年夏五月大雨至七月禾首生耳

二十一年大饑

二十七年大旱

三十一年五月雨至八月

三十五年四月雨雹大如鷄卵打死禽鳥害稼

三十六年二月不雨至五月

四十年六月大雨平地水深二丈東北城門俱漂沒

居民溺死甚衆西郭外有水車痕軌異常車三里乃

沒

四十四年夏六月飛蝗蔽天旱蝻厚一尺越城升樓
街衢莫不有之禾盡食人衣帽七月雨蝗蝻死歲不
至歉

四十六年夏嘉禾蔭生有秋

四十七年春二月黃霧四塞

天啟二年十月鳳凰集於郡北紫金山按院邱兆麟
以狀聞

崇禎五年六月雨至八月城覆於隍

十二年六月有鬼掖人登城
張氏子夜宿火神廟三
更有人掖以登城令回

禹州志

災祥

卷之十三

六

首望見滿城皆火屍橫於道越城而下
卧華巖寺次日午家人尋至始覺

十三年二月每夜聞哭聲如婦人群泣街民鼓譟升
屋味爽乃止是月不雨至八月土寇起人相食

十四年春大飢升麥四百四十餘錢父子相食六月

大疫十一月秦兵逐寇潰於三峯山十二月初七日

闖寇陷禹州巡道李公死之士民被殺甚衆

十六年十月汝州土寇武剛畧禹州人爲食

時賊衆
殺人爲

糧折屋充薪凡晏會膾炙無不以人爲之烹調割
一切一如猪羊肉式居六十日始去城中白骨成堆
瓦礫滿地晡時即聞鬼哭三十餘
日無一人跡爲曠古未有之變

國朝

順治五年六月有鳥食蝗

蝗自南來已及州境忽有鳥如鷹百十為群喜噉蝗

每鳥噉蝗一升

許遂不為害

順治八年夏四月大有麥

一莖二穗者甚多收穫之豐前所未有

康熙十五年潁川里民劉順妻一產三男奉

旨給粟五斗布十疋

十六年地震

十八年秋大水禾稼爛冬飢蠲免本州錢糧十分

之三

禹州志

災祥

卷之十三

七

二十八年夏旱

二十九年旱五月二十四日有黑氣見於東郊抵城

比而散所過發屋拔樹是歲秋禾不登八月戊戌隕

霜害稼民饑牛大疫

三十年夏蝗秋復蝗食禾無莖遺者民大饑

三十一年春至夏不雨無麥民稍流離有秋是歲兩

有運米之役民不堪命

三十四年水大溢

三十五年旱蝗

三十六年四月大雨雹地震六月二十五日大水城河溢八月蝗

四十七年旱蝗

四十八年春大饑夏有麥人大疫

五十二年大旱麥種不入

六十一年大旱水泉竭牛大疫秋無禾冬十二月大

饑民多鬻子官爲施粥

雍正元年旱疫

六年三月隕霜殺麥人大疫

禹州志

災祥

卷之十三

八

十年冬大雪

十三年四月山水壞東門西門外石橋是月起夫役

築隄濬濠

五月初十日大水潁河溢隳城臺漂廬舍人畜溺死

甚衆

有龍堰水於北郭石橋上高數丈乃下西郭有水車痕深濶異常人跡大二尺餘繞城東南

潁川里一路 是歲冬饑

乾隆元年春饑冬不雨郡守施貧民粟及織機以濟

乾隆三年綠竹生花夏大水

乾隆四年五月大霽雨

乾隆八年春饑官給流民錢粟令歸

夏五月旱郡守縋虎骨於州西黃龍池大雨

乾隆九年夏秋有年穗多雙岐冬無雪

乾隆十年春不雨麥枯秋大熟

乾隆十一年冬無冰

乾隆十二年春不雨官宿雩壇以禱四月雨六七月

大雨多魚